

مربعات على شكل الزمن

1

وشك سمح وضحوك

شافوا العيون فضحوك

صابرين عليك بالتيل

ويجرحها يرضوك

2

لونك بلون الخوف

باهت ضعيف الشوف

سلم غناوي النيل

سلم على المعروف

3

" أهل السماح ملاح "

وأنت السماح نفسه

تتركني ليه سواح

ماشي الفرح عكسه

4

فيه ناس تموت في الذل

وتعيش كما الاموات

وناس تخاف تنذل

فتعيش مع الاموات

5

واثق في صاحبك قوي

سيبله الحبال سنّة

هیشد حَبْلُهُ قَوي

وهتظهر ال (إِنَّ)

6

مش كل من شاف اهم شال

ولا كل صاحب فلوس مرتاح

وانا ابن اهم واهم عدی جبال

طايح في عشق الوطن سواح.

